



Peqqissutsumut Naalakkersuisoqarfik

---

**Angajoqqaat ingiallortaasinnaanerannut  
aaqqissuussinerup annertusinissaanut periarfissaq  
pillugu nassuaat – UPA2022/28**



## Imai

Tunuliaqtaasut.....	2
Aallaqqaasiut .....	3
Peqqinnissaqarfimmi ingiallorteqartarnermut aaqqissuussinerup naleqqussarnissaa 5	
Meeqcanut inuuuttunullu ingiallortaasarneq pillugu Peqqinnissaqarfimmi massakkut neqeroorutaasut .....	6
Isumaqtigiissutitigut pisinnaatitaaffiit isumaginninnikkullu aaqqissuussinerit.....	6
Isumaqtigiissut.....	7
Isumaginninnermut aningasaateqarfiit .....	7
Inatsisit allat .....	8
Napparsimasut akunnittarfiini aamma Kalaallit Peqqissartut Angerlarsimaffianni pisinnaasat.....	8
Kalaallit Nunaanni napparsimasut angerlarsimaffii .....	9
Kalaallit Peqqissartut Angerlarsimaffiat .....	9
Napparsimasunut akunnittarfiit aamma Kalaallit Peqqissartut Angerlarsimaffiata nutarteriffiginissaat allilernissaallu pisariaqartinneqarpoq. ....	11
Paasissutissanut tunngavik aningasaqarnikkullu naatsorsuinerit .....	12
Napparsimasut angalanerannut amerlassutsit uninnganerullu sivisussusia.....	12
Angajoqqaat ingiallortaasarnerannut aaqqissuussinerup annertusinerani ningasaqarnikkut sunniutaasussat .....	14
Inerniliineq.....	16

## Tunuliaqutaasut

Inatsisartut 2022-mi Upernaami Ataatsimiinneranni napparsimasut najukkatik qimallugit misissortikkiartortarnerat katsorsartittarnerallu pillugu nalunaarummik nutaamik atuuitsilernissap kingunissaanik misissuisoqassasoq akuersissutigineqarpoq.

Tamatumunnga angajoqqaamik ingiaqateqartarnermut aaqqissuussap siunissami annertunerulernissaa ilaavoq, taamaasilluni meeqqanut 15-it inorlugit ukiullit katsorsartikkiartornerminni marlunnik ingiaqateqarnissaminnik pisinnaatitaalissallutik taakkulu najukkaminni peqqinnissaqarfimmuit katsorsartikkiartornissamut innersuunneqarnikkupput. Misissuinerup suliarinissaa pillugu aalajangerneq UPA2022/28 tunngavigalugu pivoq - Inatsisartut aalajangiiffisassaattut siunnersuut Inuit Ataqatigiinit saqqummiunneqarsimasoq.<sup>1</sup> Inatsisartuni siullermeerneqarnerani Naalakkersuisut allannguutissatut siunnersuut tullinguuttuniittooq saqqummiuppaat, taannalu suliareqqitassanngorlugu Inatsisartut Ilaqtariinnermut Peqqissutsimullu Ataatsimiitaliaanut nassiunneqarsimavoq.

Inatsisartunut aalajangiiffisassatut siunnersuutigineqassaaq Naalakkersuisut nutaamik nalunaarusiamik saqqummiusseqquillugit "Napparsimasut angerlarsimaffisa avataanni misissortittarnerat katsorsarneqartarnerallu pillugit akiliutissat, tamatumani angajoqqaat ingiaqataasarnerat pillugu aaqqiineq annertusineqassagaluarpat qanoq malitseqarsinnaanersoq. Misissuinerup inernerri kingusinnerpaamik UPA2023-mi saqqummiunneqassapput."<sup>2</sup>

<sup>3</sup>Ilaqtariinnermut Peqqissutsimullu Ataatsimiitaliap aalajangiiffisassatut siunnersuut suliarisimavaa isumaliutissiissullu tunniullugu, tassanilu Naalakkersuisut allannguutissatut siunnersuutaatakuereqqullugu ataatsimiitaliap isumaqatigiittup inassutigisimavaa.

---

<sup>1</sup> UPA2022/28-mut tunngatillugu Inatsisartut aalajangiiffisassatut siunnersuut, Inuit Ataqatigiit.

<sup>2</sup> UPA2022/28 pillugu Inatsisartut aalajangiiffisassatut Siunnersummut Naalakkersuisut akissuteqaataat.

<sup>3</sup>UPA2022/28-mut tunngatillugu isumaliutissiissut Ilaqtariinnermut Peqqissutsimullu Ataatsimiitaliamit tunniunneqartoq.

## Aallaqqaasiut

Angajoqqaat allallu qanigisaasut meeqqaminnik ilaqtuttaminilluunniit misissortikkiartussananik katsorsartikkiartussanillu ingallortaasarnissamik kissaateqarnerat paasinarpooq, pingartumik tamakku najugarisaq qimallugu pigaangata. Tamatuma saniatigut, angajoqqaannik ingiaqateqartarnissamut aaqqissuussap annertunerulerneranut atatillugu aningaasartuuteqarnerulernermik allaffissornikkullu suliaqartunik kiisalu peqqinnissaqarfimmiit inunnik isumaginninnikkut suliaqartut suliassaqarnerulernissaanik kinguneqarnissaa qularnanngilaq.

Siullermik Inatsisartut aalajangiiffigisassaattut siunnersuutaanni (UPA2022/28) angajoqqaat ingallortaasarnissaannut aaqqissuussineq meeqqanut arfinillit ataallugit ukiulinnuinnaq killeqartitsisimavoq. Naalakkersuisut allannguutissatut siunnertaanni ukiunut killissarititaq ilaneqarsimavoq. Nassuaammi meeqqanut 15-it inorlugit ukiulinnut tamanut angajoqqaat ingiaqataasarnerannut aaqqissuussinerup annertusinerani sunniutaasussat suliarineqarput, ukiummi taakkuupput nalunaarummi atuuttumi killissatut atorneqartut. Ukiunut killissarititami tassani napparsimasut 15-ileereersimasut inatsit naapertorlugu namminneerlutik suliaritinnissanut paasissutissiillutik akuersisarnissaat tunngavigineqarpoq. Tamatuma saniatigut angajoqqaanut arfinillit ataallugit meeralinna immikkut aaqqissuussinermik suliaqartarnissamut peqqinnissap tungaatigut immikkut tunngavilersuutissaqanngitsoq nalilerneqarpoq. Taamaammat arfinilinnik ukioqalerneremi ukiunut killissarititaq ilaqtariinnut peroreersimasunik meerartalinnut najugarisap avataani peqqinnissakkut sullissinernik pisariaqartitsisunut assigiinngisitsilluni neqeroorutaasutut isigineqarpoq. Taamaammallu nassuaammi matumani nalunaarummik nutaamik atortussanngortitsinikkut sunniutaasussat misissuiffigineqarput, tassanilu meeqqat 15-it inorlugit ukiullit tamarmik inersimasunik qanigisaasunik marlunnik ingallorteqarsinnaanerat pisinnaatitaaffinngorpoq.

Nassuaat aallarniutigalugu Peqqinnissaqarfimmi meeqqanut inuuusuttunullu ingiaqateqartitsisarnermut iluarsiinerit atuuttut nassuaaffiginerannik imaqarpoq, taakkununngalu aamma ilaapput isumaqatigiissutit isumaginninnikkullu aaqqissuussinerit ilaqtat qanigisat perulutsillugit ingiaqateqartitsinermut aningaasartuutit akilertarnissaat. Tassani aamma napparsimasut akunnittarfianni aamma Kalaallit Peqqissartut Angerlarsimaffianni pisinnaasanut paasissutissat kiisalu pisinnaasaqarnerulernissamut pisariaqartitsinerup nassuaaffigineranut paasissutissat ilaapput.

Aamma nassuaammi 2020 aamma 2021-mi meeqqanut 15-it inorlugit ukiulinnut napparsimasut angalasartut suliaritittullu amerlassusaat pillugit paasissutissat Peqqinnissaqarfimmeersut ilaatinneqarput. Paasissutissat tamakku angajoqqaat

ingiallortaasarnerannut aaqqissuussinerup annertusinissaani aningaasaqarnikkut missingerlugu sunniutaasussat naatsorsornissaanni atorneqassapput.

## **Peqqinnissaqarfimmi ingiallorteqartarnermut aaqqissuussinerup naleqqussarnissaa**

<sup>4</sup>Napparsimasut najugaqarfimmi avataani misissorneqarnerani katsorsarneranilu kiffartuussinerit pillugit Namminersornerullutik Oqartussat nalunaarutaanni nr. 2, 24. januar 2005-imeersumi illoqarfisap, nunaqarfisap imaluunniit allami ukioq naallugu najugaqarfisap napparsimasup najugaqarfisaata avataani misissortinnissamut katsorsartinnissamullu innersuussisoqarnerani napparsimasup pisinnaatitaaffii malittarisassiorneqarput.

Peqqinnissaqarfip taamaasilluni aningaasartutigineqartoq oqartussanit allanit Kalaallit Nunaanniittunit imaluunniit avataaniittunit akilerneqarsinnaatinngu aningaasartuutit nalunaarummi taaneqartut akilertartussaavai, takuuk § 1, imm. 2.

Napparsimasup najugarisaata avataani misissortinnermi katsorsartinnermilu ingiallorteqarsinnaaneq pillugu apeqqut nalunaarummi §§ 7-12-imi malittarisassiorneqarpoq, tassaniilu § 9 meeqqat ingiallortarnissaannut tunngatillugu soqtiginaateqarpoq. Meeqqat 15-it inorlugit ukiullit najugarisap avataani angalaneranni katsorsartinnerannilu Peqqinnissaqarfip akiligaanik angajoqqaamik ataatsimik imaluunniit inersimasumik allamik qanigisaasumik ingiallorteqarnissamut pisinnaatitaaffeqarnerat § 9-mi atuarneqarsinnaavoq. Aaqqissuussinermi inersimasut allat qanigisaasut pineqarsinnaagaluartut § 9-mi pissutsit amerlanertigut angajoqqaat ingiallortaasarnissaannut aaqqissuussinertut taaneqartarput. 15-inik ukioqalernermi ukiunut killissarititaq napparsimasup 15-inik ukioqalereersimasup nammineerluni paasissutissiilluni katsorsartinnissamut akuersisinnaanera aallaavigalugu aalajangersarneqarpoq, takuuk Napparsimasut inatsisitigut inissisimanerat pillugu Inatsisartut peqqussutaanni nr. 6, 31. maj 2001-imeersumi § 8.<sup>5</sup>

Tamatuma saniatigut § 7-imi takuneqarsinnaavoq napparsimasup peqqinnissakkut inissisimanera pissutigalugu napparsimasup angalanissaani ingiallorteqarnissamut pisinnaatitaaffeqarnera. Aallaaviusussaq tassaavoq ingiallortaaneq tamanna peqqinnissaqarfip sulisi atorlugit pisinnaassasoq, kisiannili inersimasunik allanik ingiallorteqarluni pisinnaalluni. Malugeqquneqarpoq aalajangersakkami matumani pineqartumi ingiallortaasussat amerlanerpaaffissaat taaneqarsimanngimmat, tamannalu napparsimasup peqqissutsikkut inissisimanera pissutaalluni pisariaqartutut isigineqarsimappat nakorsap allagartaliineratigut ingiallortaasussat amerlanerusinnaanerat periarfissaalerpoq. Angalanermi ingiallortaasussaq

<sup>4</sup>Napparsimasut najugaqarfimmi avataani misissorneqarnerani katsorsarneranilu kiffartuussinerit pillugit Namminersornerullutik Oqartussat nalunaarutaat nr. 2, 24. januar 2005-imeersoq.

<sup>5</sup>Napparsimasut inatsisitigut inissisimanerat pillugu Inatsisartut peqqussutaat nr. 6, 31. maj 2001-imeersoq.

Peqqinnissaqarfimmi atorfeqarsimannngippat taanna angalanerup najugaqarnerullu nalaani akissarsiassanut annaasanut taarsiiffigineqarsinnaanngilaq.

§§ 8-10-mi napparsimasut inuunikkut tassanngaannartumik ulorianartorsiulertut, meeqlaqat 15-it inorlugit ukiullit, meeqlallu suli ukioqalinngitsut, pineqarput.

§ 11-mi atuarneqarsinnaavoq ingiallortaasut meeraaqqallu ilaasut §§ 7-10-mi malittarisassat malillugit Peqqinnissaqarfiup akiligaanik angalasut angalanerup najugaqarnerullu nalaani nerisaqarnissamut najugaqarnissamullu pisinnaatitaaffeqartut. Taamaakkaluartoq ingiallortaasussanut § 7-mi taaneqartunut nerisaqarnissamut najugaqarnissamullu pisinnaatitaaffik taamaallaat angerlamut angalanissamut periarfissaq siulleq tikillugu atuuttussaavoq. Qanigisaasunut imaluunniit pineqartumut qanittunut § 8-mi taaneqartunut nerisaqarnissamut najugaqartitsinissamullu pisinnaatitaaffik napparsimasup inisisimanerata patajaallinissaa tikillugu atutissaaq.

### Meeqyanut inuusuttunullu ingiallortaasarneq pillugu Peqqinnissaqarfimmi massakkut neqeroorutaasut

<sup>6</sup>Angajoqqaat ingiallortaasarnerannut aaqqissuussineq 2009-mi inuusuttunut 15-it inorlugit ukiulinnuinnaq atuutsikkunnaarlugu inuusuttunut 18-inik suli ukioqalersimannngitsunut tamanut atuutilerpoq, 2009-mut Aningaasanut Inatsimmi siunertamut immikkut aningaasaliissutit takukkit. Taamaammat inuusuttut 18-inik suli ukioqalersimannngitsut tamarmik najugarisap avataani misissortikkiartortussanut katsorsartikkiartortussanullu tunngatillugu napparsimasut angalanerannut atatillugu ingiallorqearnissamut ataasiinnarmut pisinnaatitaaffeqarput. Tamanna isumaqarpoq massakkut angajoqqaat ingiallortaasarnerannut aaqqissuussineq aalajangersakkaniit nalunaarummi 4-mi takuneqarsinnaasuniit annertunera. Tamatuma saniatigut Peqqinnissaqarfiup nakorsat allagartaliinerisigut immikkut ingiallorqearnissamut aningaasartuutinut akiliisinnanera periarfissinneqarpoq, matumani tamanna napparsimasup peqqissutsikkut inisisimanera pissutigalugu pisariaqartutut isumaqarfigineqarpat.

### Isumaqtigiissutitigut pisinnaatitaaffiit isumaginninnikkullu aaqqissuussinerit

Qanigisaasut napparsimaruloorsimappata ilaatigut ingiallorqearnissami inunnut suliffimiittunut pisinnaatitaaffiit ikuinissamullu aaqqissuussinerit arlallit pigineqarput, matumani aningaasartuutinngortut Peqqinnissaqarfiunngitsumit allanit akilerneqarsimatillugit. Pisinnaatitaaffiit aaqqissuussinerillu tamakku suliffeqarfinni

<sup>6</sup> Inatsisartut 2009-mut Aningaasanut Inatsisaat, Namminersornerullutik Oqartussat

peqataasut akornanni isumaqatigiissutinik sulinermullu isumaqatigiissutinik malittarisassiorneqarput. Inuit suliffeqanngitsut imaluunniit ilinnialersimasut ilaannikkut kommuniniit imaluunniit Namminersorlutik Oqartussaniit ikorsiissutinik aamma tunineqarsinnaasarput.

### Isumaqatigiissut

Qanigisaasut perulunnartumik napparsimasimatillugit ingiaqateqarnermut sulisitsisup tamakkiisumik ilaannakortumilluunniit aningaasartuutinngortunut akiliisinnaanera isumaqatigiissutini arlalinni periarfissinneqarpoq. Taamaattoqarsimatillugu piffissami aalajangersimasumi akissarsiaqluni sulinngiffeqarsinnaaneq aammalu qanigisaasup Nunatsinni Danmarkimiluunniit najugaqarfianut angalanermut aningaasartuutit pisariaqarpak akilernissaat isumaqatigiissutitigut pisinnaatitaaffiuvoq. Qanigisaasuni angajoqqaat, aapparisat/assinganik inisisimasut, meeqqat qatanngutillu pineqarput. Najugaqarnissamut nerisaqarnissamullu aningaasartuutit pisarneq malillugu ilaatinneqanngillat. Namminersortunut pisortanullu suliassaqarfimmut isumaqatigiissutaasut akornanni pisinnaatitaaffiit allanngorarput.

### Isumaginninnermut aningaasaateqarfii

Sulinermik Inuussutissarsiuteqartut Kattuffiat (SIK) sulisartut kattuffiattut sulisitsisunik namminersortunik pisortaniittunillu peqatigiiffiup isumaginninnermut aningaasaateqarfiiinit tallimaasuniit ikorsiisarnermut tunngatillugu isumaqatigiissusiorsimavoq. Napparsimaruortoqartillugu ilaasortat qanigisaasullu tapersersuiffigisarnissaat siunertaavoq, soorlu ingiallorteqarluni angalanissat najugaqartitsinissallu akilernissaannut kiisalu akissarsiat annaasat akilernissaannut tunngatillugu. Aallaaviatigut qaammatit pingasut angullugit tapiisoqarsinnaavoq, kræftertunulli tunngatillugu qaammatit arfinillit angullugit tapiisoqarsinnaalluni. Ingiallortaasut aamma akissarsiat annaasat akilernissaannut tapiissutinik qinnuteqarsinnaapput. Tassanilu aamma meeraq angerlarsimaffimmi kisimiittussangorsimatillugu meeqqap ataatsip meeqqalluunniit arlallit aalajangersimasumik ukiullit qanigisaasumut angalaqataanissaannut tapiisoqarsinnaanera periarfissaavoq. Tapiissutit SIK-p isumaginninnermut aningaasaateqarfiiut qinnuteqaat tunngavigalugu tunniunneqartarput.<sup>7</sup> Anaanaasup illoqarfimmut allamut erniartornissaanut atatillugu ataataasup angalanissaanut isumaginninnermut aningaasaateqarfiiit maanna akiliisinnaalernerat kingullermik SIK-p 2023-mi maajimi nalunaarutigaa. Angajoqqaat 18-it inorlugit ukiulinnik meeraqarsimappata meeqqat angalanermut akilerneqartumut ilaasinnaapput<sup>8</sup>.

<sup>7</sup> [SIK-p Isumaginninnermut Aningaasaateqarfii](#)

<sup>8</sup> [Ataatangortussat angalanermut akiliunneqartalernissaat](#), SIK, maj 2023.

## Inatsisit allat

Isumaginninnermut ilinniartitaanermullu suliassaqarfiit iluini inatsisini arlalinni pisinnaasut assigiinngitsut nassuaaffigineqarput, taakkulu inunnut assersuutigalugu sulinngitsunut imaluunniit ilinnialersimasunut ikorsiissutinik pilersitsisinnappa.

## Pisortanit ikorsiissutit

<sup>9</sup>Inuit Pisortanit ikorsiissutit pillugit Inatsisartut inatsisaannut ilaasut § 35 naapertorlugu qanigisaasut napparsimaruloornerannut aamma/imaluunniit toqunerannut ilisaanerannullu atatillugu angalanermut aningaasartuutaasut akilerniarnissaannut ikorneqarsinnaapput, matumani aningaasartuutinut nammineerluni akiliisimaneq qinnuteqartup ilaquaasullu siunissami imminnut pilersornissaannut periarfissaat pingaarutilimmik ajornarnerulersimappat. Kalaallit Nunaannut angalanissamut taamaallaat ikorsiisoqarsinnaavoq. Innuttaasut tamarmik malittarisassat allat malillugit tapiiffigineqarsinnaannngitsut pisortanit ikorsiisarneq pillugu § 32 naapertorlugu ataasiaannartumik aningaasartuutinut malittarisassat malillugit ikorneqarnissaq pillugu qinnuteqarnissamut periarfissaqarput. Matumani aamma namminersorlutik sulifiutillit, taakkununnga piniartut aalisartullu ilanngullugit, pineqarput. <sup>10</sup> Ikorsiissutit qinnuteqareernikkut kommunalbestyrelsimiillu aningaasaliinikkut tunniunneqartarput.

## Ilinniartoq

<sup>11</sup>Ilinniagaqarnersiutit pillugit Namminersorlutik Oqartussat nalunaarutaanni § 43 aamma § 7 naapertorlugit qanigisaasut napparsimaruloorneranni/imaluunniit toquneranni pissutsit makku ilanngunneqarsimapput: ilinniartup taassumaluunniit qanigisaani napparsimaruloortoqartillugu toqusqartilluguluunniit ilinniartumut meeraanullu ilinniartup najugaqtigisaanut akiliutsilluni angalanissamut ikorsiisoqartarpooq - matumani angalanermut aningaasartuutit allanit akilerneqarsimannngippata. Akiliutsilluni angalaneq illoqarfiup ilinniartoqarfiup pineqartullu ilaquaasa qaninnerpaat najugaqarfiisa akornanni siumut utimullu angalanertut tunniunneqassaaq.

## Napparsimasut akunnittarfiini aamma Kalaallit Peqqissartut

### Angerlarsimaffianni pisinnaasat

Napparsimasut ingiallortaasullu najukkatut angerlarsimaffigisap avataanut misissortinnissanut suliaritinnissanullu innersuunneqarsimatillugit Dronning Ingridip Napparsimavissuani immikkoortortaqarfimmi imaluunniit napparsimasut angerlarsimaffiannut, illoqarfiit ilaannut imaluunniit Danmarkimi Kalaallit Peqqissartut Illuannut inissinneqassapput. Najugaqarnerup nalaani napparsimasunut timikkut, tarnikkut inuttullu pisariaqartumik nakkutiginninnissaq paaqquataqarnissarlu

<sup>9</sup>Pisortanit ikorsiissutit pillugit Inatsisartut inatsisaat nr. 6, 20. juuni 2022-meersoq.

<sup>10</sup> Napparsimasunut aningaasaateqarfissap pilersinnissaanut akissuteqaat UPA2022/32, Naalakkersuisut 2022.

<sup>11</sup>Ilinniagaqarnersiutit pillugit Namminersorlutik Oqartussat nalunaarutaat nr 9, 19. juli 2017-imeersoq.

qulakkeerneqassaaq. Nakorsiat ingiaqataasullu Peqqinnissaqarfimmi unnuiffissamut periarfissat ulikkaaqappata imal. peqqinnissaqarfimmi uninnissaq arlaatigut periarfissanngornissaata tungaanut akunnittarfinni, akunnittarfiit inissiaataani il.il. ineqartinneqarallarsinnaapput.

Ingiallortaasut najugaqarnerup nalaani pisuni assigiinngitsuni napparsimasup toqqisisimissaanut ikuussinnaapput. Ingiallortaasartut ilaat namminneerlutik ingerlasinnaaneq ajormata massakkut ingiallortaasartunut aaqqissuussineq sulisut sulinerulerannik kinguneqartartoq Peqqinnissaqarfimmi misilitakkatigut takuneqarsinnaavoq. Ingiallortaasartut ulluinnarni suliassanut, soorlu aningaasanik aallertarnermut angallassinermullu, timikkut killeqartitsinissanut imaluunniit katsorsartiffissami pissutsinik ilisimasaqannginnerminnut ikiorneqarnissamik pisariaqartitsisinnaapput. Tamanna Danmarkimi Kalaallit Peqqissartut Angerlarsimaffianni takussaanerpaajuvoq, tassani ingiallortaasartut ilaat aatsaat siullermeerlutik illoqarfimmik kulturimillu nutaamik misigisaqtarmata.

### Kalaallit Nunaanni napparsimasut angerlarsimaffi

Peqqinnissaqarfik nunarput tamakkerlugu napparsimasunut arlalinnik angerlarsimaffiuteqarpooq, taakkununngalu ilaatigut Dronning Ingridip Napparsimavissuani, qitiusumik napparsimmavinni aamma Tasiilap Peqqissaaviani angerlarsimaffiit ilaapput.

Napparsimasut amerlanerpaartaat Dronning Ingridip Napparsimavissuani imaluunniit llulissani qitiusumik napparsimmavimmi misissortinnissamut suliaritinnissamulluunniit innersuunneqartarput, taamaalsoqaraangallu napparsimasoq ingiallortaasorlu amerlanertigut napparsimasut angerlarsimaffiannut ilaasumut inissinneqartarlutik. Nunatsinni napparsimasut angerlarsimaffiini inissat ataatsimut isigalugu tatisimaneqartut Peqqinnissaqarfik paassisutissiivoq. Angajoqqaat ingiallortaasarnerannut aaqqissuussinerup annertusinissaa napparsimasut allat utaqqisarnerannut annertuninngortitseriaannaavoq, tassami aaqqissuussineq Nuummi illoqarfinnilu allani immikkut sinifinnik peqarnissamik pisariaqartitsissammat, tassanilu inissat killeqarput. Peqqinnissaqarfik qitiusumik napparsimmavinni aamma Tasiilami Peqqissaavimmi inissaqartitsisarnernut ataatsimut naatsorsuutinik peqanngilaq, kisiannili Dronning Ingridip Napparsimavissuani Napparsimasut Angerlarsimaffiat immikkut unammilligassaqarpoq. Nunatsinni ingiaqataasut tamarmik immikkut napparsimasut akunnittarfiini najugaqartinnissaat periarfissaanngitsutut nalilerneqarpoq.

### Kalaallit Peqqissartut Angerlarsimaffiat

Ukiuni kingulliunerusuni Kalaallit Peqqissartut Angerlarsimaffianni napparsimasut ingiallortaasartullu unnuisarnerat malunnartumik amerleriarsimapput. Taamatut ineriartortoqarneranut pissutaasut arlaliupput. Ullormi 1. januar 2017, 2016-imi ukiakkut

ataatsimiinnermi Inatsisartut aalajangiinerat aqqutigalugu, Kalaallit Peqqissartut Angerlarsimaffianni napparsimasunut unitsinnejartunut ingiallortaasumut ataasiinnarmut akeqanngitsumik unnuisinnaaneq ammaanneqarpoq, matumani inissaqartitsisoqarsimappat. Tamanna ingiallortaasartut unnuisartut amerlinerannik kinguneqarsimavoq - takuuk tabel 1. Amerleriartoqarnera SIK-p isumaginninnermut aningaasaateqarfii ukiuni kingulliunerusuni qanigisaasunut ingiallorqeinqarnissamut tikeraartarnissanullu akuersisarnerata annertusiartuinnarneranut attuumassuteqarunarpooq, innuttaasullu taakku inissaqartitsinissamut periarfissamik atuinissamut periarfissaqarnerat ilaalluni. Innuttaasut ukiumikkut agguataarnerat napparsimariaatsillu ineriartorfiunerisa kingunerisaannik ineriartorneq ukiuni tulliuttuni ingerlaannassasoq naatsorsuutigineqarpoq.

## UNNUISARNERIT AMERLASSUSAAT - KALAALLIT PEQQISSARTUT ANGERLARSIMAFFIAT

■ Patienter ■ Ledsagere



Tabel1: Kalaallit Peqqissartut Angerlarsimaffianni unnuisarnerit amerlassusaat<sup>12</sup>.

Massakkoriaq inissanik atiuilluartoqareerpoq, tatisimaneqarnerlu piareersimaffiginiarlugu ukiuni kingulliunerusuni ineqqanik marluutarissanik sanasoqarsimavoq. Ineqqanik pisariaqartitsinerujussuaq ilaatigut takuneqarsinnaavoq assersuutigalugu 2017-imilu 2019-imilu inissat amigaataanerat pissutaalluni akunnittarfinni 1746-riarluni aamma 1082-riarluni unnuisoqarsimammatt. <sup>13</sup> Akunnittarfinni unnuinerit tabel 1-imilu ilanngunneqanngillat. Ineqqanik pisariaqartitsineq kisimiilluni unammilligassaanngilaq. Kalaallit Peqqissartut Angerlarsimaffiat ataatsimoorfiusinnaasunik arlalinnik neqeroortarpoq, soorlu nerisarfik, isersimaartarfiit,

<sup>12</sup> Naatsorsuinerme ukiuni 2016-imiit 2019-imut napparsimasut ingiallortaasartullu tamarmik ilanngunneqarput.

<sup>13</sup> Suliasanut kisitsisit, Kalaallit Peqqissartut Angerlarsimaffiat (34.11.04), Aningaasanut Inatsisit 2019 & 2021.

timigissartarfik, najugallit qeritsiveqarfiat, ineeraq sammisassaqtitsivik, atuagaateqarfik, tiiliortarfik qarasaasiaqarfillu, taakkulu aamma napparsimasunut ingiallortaasunullu amerlanernik inissaqtitsisinnaanngillat. Tassungalu ilaavoq isumaginninnermut siunnersortimik atorfinititsisoqarsimanera, taannalu aningaasaqarneq isumaginninnikkullu ikorsiissutit pillugit apeqqutit qulaajarnissaannut napparsimasumik ilitsersuisinnaavoq ikuussinnaallunilu. Qanigisaasut amerlanerusut ilaasalissappata inunnik isumaginninnermik siunnersortimik oqalutsimillu atorfinititsinissaq pisariaqassaaq.

Massakkut inissaqtitsisarneq tunngavigalugu immikkut ingiaqataasartut inissaqtittarnissaat periarfissaanngitsutut nalilerneqarpoq - tassalu angajoqqaat ingiaqataasarnerannut aaqqissuuussinerup annertusinera qanoq Kalaallit Peqqissartut Angerlarsimaffiannut sunniuteqassanersoq. Taamaammat allatut iliorluni inissaqtitsinissamut periarfissat atortarnissaat pisariaqartinneqartussaavoq, soorlu ilaqtariinnut tamarmut imaluunniit ingiallortaasumut akunnitarfinni akunnittarfinnilu inissianut inissiisarnernut tunngatillugu.

Napparsimasunut akunnittarfiit aamma Kalaallit Peqqissartut Angerlarsimaffiata nutarteriffinginissaat allilernissaallu pisariaqartinneqarpoq.  
Ukiuni tulliuttuni peqqinissaqarfimmi sullissinerit, taamaasillunilu Nuummi illoqarfinnilu allani Peqqinnissaqarfiup iniutaannik sanalluni annertusaanissap pisariaqartitsiffunera, qitiusumiit ingerlanneqarnerulernissaat naatsorsuutigineqassaaq.<sup>14</sup> Tamatumunnga ilaatigut innuttaasut utoqqaliartortut aammalu misissuinerni suliaritinnernilu immikkut ilisimasaqarnerulernissaq pissutaapput. Taamatut ineriartortoqarnera napparsimasunut ilaannikkullu ingiallortaasunut inissaqtitsinissap pisariaqarneranut sunniuteqartussaavoq. Ineriartorneq piareersimaffiginiarlugu Peqqinnissaqarfik siusinnerusukkut piffissamut 2021-2031-mut sanaartornissamut pisariaqartitsinernik arlalinnik saqqummiussaqarsimavoq, taakkunanilu ilaatigut napparsimasunut angerlarsimaffiit nutaat arlallit ilaapput.<sup>15</sup> Peqqinnissaqarfiup Dronning Ingridip Napparsimavissa siunissamut qulakkeeriniffiginiaraa takuneqarsinnaavoq, taakkununngalu napparsimasut angerlarsimaffiat ilaavoq. Taakkununngalu ilaasoq tassaavoq Ilulissani, Qaqortumi Sisimiunilu napparsimasut angerlarsimaffiisa iluarsarnissaat imaluunniit sanaartorfigeqqinnissaat.

Kalaallit Peqqissartut Angerlarsimaffiat siunissami inissanik amerlanernik aamma pisariaqartitsilertussaavoq. Peqqissutsimut Naalakkersuisoqarfik suleqatigisaq

---

Peqqinnissaqarfik pitsaanerusoq - kisianni qanoq?, 2022.<sup>14</sup>

<sup>15</sup> Qupperneq 42, tabel 4, Peqqinnissaqarfik pitsaanerusoq - kisianni qanoq?, 2022.

avataaneersoq suleqatigalugu inissianik 18-inik pisinikkut inissat amerlanerulernissaannut periarfissanik qulaajaasimavoq, taakkualu Kalaallit Peqqissartut Angerlarsimaffiata ungasinnisaaniippu. Suleqatigisap avataaneersup inissiat pisiarisussaasimavai Peqqinnissaqaarfimmullu attartortillugit, massakkulli inissianik piginnittusoq inissiat tunissallugit soqutiginnissimanngilaq. Inissiat Danmarkimi sivisunerusumik katsorsartittoqartussaatillugu ilaqtariinnut imaluunniit napparsimasunut allanut inissiassatut tulluartuussagaluarput. Peqqinnissaqaarfiup allatut iliorluni inissat amerlanerulernissaannut periarfissanik misissuinini ingerlatiinnassavaa, tamannalu Kalaallit Peqqissartut Angerlarsimaffiup massakkut atortulersuutaasa iluatigut allannortiterisigut peratarsinnaavoq, matumanilu ineqqanik atuisarnerup annertusinissaa anguniarlugu ineqqanik tamakkiisumik atuisarnissaq siunertaralugu.

Nunatsinni napparsimasut angerlarsimaffiinut aamma Kalaallit Peqqissartut Illuannut tunngatillugu inissat amerlanerulernissaannut pilersaarummi ataatsimoorussaasoq tassaavoq ingiaqateqartarnermut aaqqissuussinerup pisariaqarpat annertusarnissaa eqqarsaatinut ilangunneqarsimannginnera.

**Paasissutissanut tunngavik aningaasaqarnikkullu naatsorsuinerit**  
Nalunaarummik nutaamik atortussanngortitsinermi sunniutaasut nassuaaffigisinnaanialugit meeqqanut inuuusuttunullu 15-it inorlugit ukiulinnut tunngatillugu napparsimasut angalanerannut suliaritinnerannullu amerlassutsit pillugit paasissutissanik nutaanerpaanik pissarsiarineqarsinnaasunillu Peqqinnissaqaarfik misissuisimavoq. Paasissutissani 2020-mi 2021-milu nunatta iluani Danmarkimilu napparsimasut angalaneri suliaritinnerilu tamarmik ilaapput.

**Napparsimasut angalanerannut amerlassutsit uninnganerullu sivisussusia**

<sup>16</sup>Tabel 2-mi napparsimasut 15-it inorlugit ukiullit 2020 aamma 2021-mi Dronning Ingridip Napparsimavissuanut, sinerissami napparsimmavinnut imaluunniit Danmarkimi Kalaallit Peqqissartut Angerlarsimaffiannut misissortikkiartorlutik suliaritikkiartorlutilluunniit angalasut amerlassusaat takutinneqarput. Tamatuma saniatigut agquaqatigiissillugu uninnganerup sivisussusia ingiallortaasartullu amerlassusaat takuneqarsinnaapput.

---

<sup>16</sup> Tasiilami Peqqissaaveqarfik nassuaammi naatsorsuinerni nunap immikkoortuani napparsimmavittut taallugu ilaatinneqarpoq.

<b>Ukioq</b>	Dronning Ingridip Napparsi mavissua	Ilulissat Qitiusumik Napparsimm avik	Sisimiuni Qitiusumik Napparsimm avik	Aasianni Qitiusumik Napparsimm avik	Qaqortumi Qitiusumik Napparsimm avik	Tasillami Peqqissa avik	Kalaallit Peqqissartut Angerlarsimaffiat	<b>Katil lugit</b>
<b>2020</b>	353	85	5	26	39	41	62	<b>611</b>
<b>2021</b>	344	49	9	8	28	34	55	<b>527</b>
								<b>1138</b>

Tabel2: Meeqqat inuuusuttullu 15-it inorlugit ukiullit napparsimallutik angalasartut amerlassusaat.<sup>17</sup>

Meeqqanik inuuusuttunillu katillugit 1138-nik 15-it inorlugit ukiulinnik najukkatut angerlarsimaffigisap avataanut misissortikkiaartussanik suliaritikkiaartussanillu Peqqinnissaqaarfik 2020 aamma 2021-mi innersuussaqaqarsimasoq tabel 1-imni taaneqarsinnaavoq.<sup>18</sup> Napparsimasut taakkua 2020-mi 611-nut 2021-milu 527-inut agguataarput. Ingiallortaasartussat 1138-jusut tabel 2-imni takutinneqangillat.

Agquaqatigiissillugu suliaritinnissanut uninnganissanullu piffissap sivisussusaani annertuumik assigiiingitsoqarpooq, tassanimi nappaatip suunera, misissortinnissat suliaritinnissallu napparsimasumut pineqartumut tunngasut apeqquataasorujussuusarmata. Tabel 3-mi meeqqanut 15-it inorlugit ukiulinnut 2020 aamma 2021-mi agquaqatigiissillugu uninngasarnerit sivisussusaat takutinneqarput.

<b>Immikkoortoq</b>	<b>Uninnganerup sivisussusaai</b>
Dronning Ingridip Napparsimavissua	Ullut arfineq-marluk
Qitiusumik napparsimmavik	Ullut tallimat
Kalaallit Peqqissartut Angerlarsimaffiat	Ullut 16-it

Tabel3: Meeqqanut inuuusuttunullu 15-it inorlugit ukiulinnut agquaqatigiissillugu uninnganerup sivisussusaai.

Angajoqqaat ingiallortaasarnerannut aaqqissuussinermi angajoqqaat marluutillugit imaluunniit inersimasut qanigisaasut allat ilanngullugit annertusaasoqarniarpat naatsorsuutigineqassanngilaq napparsimasut tamarmik immikkut ingiallorqearnissamut kissaateqartarnissaat imaluunniit periarfissaqartarnissaat. Inersimasunut qanigisaasunut akiliutsilluni ingiallortaasareq siusinnerusukkut periarfissaasimanngilaq.

Taamaattoqarmallu neqeroorutigineqartoq ilaqtuttani qanoq piumaneqartigissanersoq paasiuminaappoq. Taamaammat napparsimasut 100 %-ii, 75 %-ii, 50 %-ii imaluunniit 25

<sup>17</sup> IT-qarneq Digitaliseeriinerlu, Kalaallit Nunaanni Peqqinnissaqaarfik 2023.

<sup>18</sup> Kukkusumik allatullu nalunaarsuisoqarsinnaammat naatsorsuineq arlaatigut nalorninartoqarsinnaavoq.

Napparsimasut angalasarneranni unitsitsinerillu amerlassusaanni nikingasoqarsinnaavoq, tassami suliaritinnissami ataatsimi uninnganerit amerlanerit nalunaarsorneqarsimasinnaapput napparsimasoq assersuutigalugu napparsimasut angerlarsimaffianit immikkoorttamut siniffilimmut allamut assigisaannulluunniit nuunneqarsimappat. Tamatuma saniatigut coronamik nappaalanersuaqarnera piffissami tassani napparsimasut angalasartut amerlassusaannut sunniuteqarsimasinnaavoq, taamaattoqarmallu kisitsisit uiuti siulinit allaniit appasinnerusinnaapput.

%-ii Dronning Ingridip Napparsimavissuanut, nunap immikkoortuani napparsimmavimmut imaluunniit Danmarkimut misisortikkiartortussat suliaritikkiartortussalluunniit immikkut ingallorteqarlutik malinnaasarnissaat nassuaammi suliarineqarpoq. Tabel 4 tullinnguuttuniittoo takuuk.<sup>19</sup>

<b>Immikkut ingallortaasartut amerlassusaat</b>	<b>100 %</b>	<b>75%</b>	<b>50 %</b>	<b>25%</b>
Dronning Ingridip Napparsimavissa	349	261	174	87
Qitiusumik napparsimmavik	162	122	81	41
Kalaallit Peqqissartut Angerlarsimaffiat	59	44	29	15
<b>Katillugit</b>	<b>561</b>	<b>420</b>	<b>280</b>	<b>141</b>

Tabel4: Angajoqqaat ingallortaasarnerannut aaqqissuussinerup annertusarneratigut immikkut ingallortaasartut amerlassusaat<sup>20</sup>.

Immikkut ingallorteqartarnerit amerlassusaat agguaqatigiissillugulu uninnganerup sivisussusaa aallaavigalugit ukiumoortumik ingallortaasatut immikkut unnuisarnererit amerlassusaannut missingiinermik suliaqartoqarsimavoq, tassalu angajoqqaat ingallortaasarnerannut aaqqissuussineq annertusarneqassappat, takuuk tabel 5.

<b>Immikkut ingallortaasartut unnuisut ukiumut amerlassusaat.</b>	<b>100 %</b>	<b>75%</b>	<b>50 %</b>	<b>25%</b>
Dronning Ingridip Napparsimavissa	2443	1832	1222	611
Qitiusumik napparsimmavik	810	607	405	203
Kalaallit Peqqissartut Angerlarsimaffiat	944	708	472	236
<b>Katillugit</b>	<b>4197</b>	<b>3147</b>	<b>2099</b>	<b>1050</b>

Tabel5: Immikkut ingallortaasartut unnuisut ukiumut amerlassusaat.

**Angajoqqaat ingallortaasarnerannut aaqqissuussinerup annertusinerani aningaasaqarnikkut sunniutaasussat**  
 Immikkoortumi matumani napparsimasunut 15-it inorlugit ukiulinnut angajoqqaanut ingallortaasartunut aaqqissuussinerup annertusisap equnneratigut aningaasaqarnikkut sunniutaasussat missingikkat takutinneqarput. Naatsorsuinerit angalanernut,

<sup>19</sup> Tabel 4-mi kisitsisit iluarsitat 2020-mi 2021-milu ingallortaasartut agguaqatigiissillugu amerlassusaat takutinneqarput, takuuk tabel 2.

<sup>20</sup> Paassisutissat Peqqissutsimut Aqutsisoqarfimmeersut, 2020.

najugaqarnernut nerisaqartitsinernullu aningaasartuutinik imaqarput.<sup>21</sup> Tabel 6 aamma 7-mi angallassinernut ineqartitsinernullu akigitinneqartut aningasaqarnermut naatsorsuinermi atorneqarsimasut takuneqarsinnaapput.

<b>Angallassineq</b>	<b>Siumut utimullu ilaassutissaq</b>
Dronning Ingridip Napparsimavissua	8.000 kr.
Qitiusumik napparsimmavik	3.000 kr.
Kalaallit Peqqissartut Angerlarsimaffiat	10.000 kr.

Tabel 6: Ingiallortaasumut siumut utimullu ilaassutissamut agguaqatigiissillugu akigitinneqartoq.

<b>Ineqartitsineq nerisaqarnerlu</b>	<b>Akit</b>
Akunnittarfimmi ineqartitsineq ullaakkorsiutit ilanngullugit	Unnummut ataatsimut 1250 kr.-nit
Akunnittarfimmi ineqartitsinermi nerisaqarnermut aningaasassat	Ullormut 100 kr.-nit

Tabel 7: Ingiallortaasup ineqartinnissaanut agguaqatigiissillugu akigitinneqartoq nerisaqarnermullu aningaasassat.

Pisinnaasat amigaatigineqartut patsisaallutik akunnittarfinni assigisaanniluunniit pisinnaasat eqqarsaatiginagit immikkut ingiallortaasut tamarmik akunnittarfinni assigisaanniluunniit najugaqartissinnaanerat tunngavigineqarpoq. Akunnittarfinni akit unnummut agguaqatigiissillugu 1250 kr.-ninut nerisaqartitsinermullu aningaasartuutit ullormut 100 kr.-ninut inissinneqarsimapput.

Paassisutissat piumasarineqartullu taaneqartut aallaavigalugit aningaasaqarnikkut sunniutaasussat missingerneqartut 2,3 mio. kr.-nit aamma 9,25 mio kr.-nit akornanniittussatut nalilerneqarput, matumani angajoqqaat ingiallortaasarnerannut aaqqissuussineq annertusineqassappat. Akiliutsilluni ingiallordeqarsinnaanermut neqeroorutip atornissaanut qassit kissaateqarnersut periarfissaqarnersullu aningaasartuutissani apeqquaasorujussuupput. Tabel 8 takuuq

<b>Aningaasartuutit</b>	<b>100 %</b>	<b>75 %</b>	<b>50 %</b>	<b>25 %</b>
<b>Katillugit</b>	<b>9.250.000 kr.</b>	<b>6.950.000 kr.</b>	<b>4.600.000 kr</b>	<b>2.300.000 kr.</b>

Tabel 8: Meeqanut 15-it inorlugit ukiulinut angajoqqaat ingiallortaasarnerannut aaqqissuussinerup annertusinissaani aningaasartuutissat missingerneqartut.

<sup>21</sup> Naatsorsuinerit akinut, ilaassutissanut, akunnittarfinnut allanullu piumasaqaatinik arlalinnik tunngaveqarput. Piumasarineqartut akinik ilisimaneqartunik aallaaveqarput, kisiannili tamanna nalorninartoqarsinnaavoq, tamannali tamaat isigissagaanni pingaaruteqanngitsutut nalilerneqarpoq.

Ingiallortaasarnermut aaqqissuussinerup annertusarnerani Peqqinnissaqarfimmut killiliussat iluanni aningaasalersuinissaq periarfissaassanngitsoq nalilerneqarpoq. Aningaasartutaanerulersut nammineq killiliussat iluanni aningaasalorsorneqassappata tamanna Peqqinnissaqarfimmi suliassat ilaannut sunniuteqartussaassaaq, taakkulu aningaasanik napparsimasunut suliassanut pingarernut atorneqartussanut assinganik annikillisariaqassapput.

Naatsorsuinermi siulianiittumi assersuutigalugu ilaassutissanik inniminniisarnermut, ineeqqanik inniminniisarnermut, mittarfinnut mittarfinniillu angallassisarnermut, kantiinamut, nutserisoqarnermut, qanigisaasunut ikiorteqarnermut ilitsersuisarnermullu tunngatillugu allaffisornerulermerut aningaasartuutinut aningaasaqarnikkut sunniutaasussat ilanngunneqarsimanngimmata erseqqissassallugu pingaaruteqarpoq. Tamatuma saniatigut Peqqinnissaqarfimmi allaffissornikkut, oqalutseqarnikkut ilitsersuisarnernullu ukiumut 2 mio. kr.-nik naleqartumik suliassaqarnerulersitsinissaat naatsorsuutigineqarpoq.

Ilanngullugulu ilaquaasut maluginiartussaavaat najugaqarnerup nalaani sulinermut annaasanut allatulluunniit isertitanut assingusunut ajunngitsorsiassanik peqqinnissaqarfik tunnusaqarneq ajormat nalunaarutini § 7 naapertorlugu<sup>22</sup>. Angajoqqaat ingiaqataasarnerannik aaqqiinermik annertusiineq aamma sulisitsisunut aningaasatigut kingunerluuteqarsinnaavoq, tassa innuttaasut suli amerlanerusut angerlarsimaffimminnit suliffimminnilu aallartalerpata taavalu sivisunerusumik sivikinnerusumilluunniit peqanngillutik. Aningaasatigut kingunerisassat tamakku nassuaammi missingerneqarsimanngillat, tassami innuttaasut qitornaasa ilaatigut assigiinngitsunik sivisussusilinnik napparsimappata sulinngiffeqarnissaminut pisinnaatinneqarput, isumaqatigiissutit atorfinitssitaanermilu isumaqatigiissutit apeqqutaallutik.

## Inerniliineq

Meeqqat 18-it inorlugit ukiullit angerlarsimaffigisatut najukkap avataanut misissortikkiartornissamut suliaritikkiartornissamulluunniit innersuunnegarsimatillugit ingiallortaasussamut ataasiinnarmut aningaasartuutinut Peqqinnissaqarfik aallaaviatigut akiliisarpoq. Tamatuma saniatigut suliassaqarfimmut malittarisassiorneq nakorsap allagartaliineratigut immikkut ingiallordeqarnissamut aningaasartuutinik Peqqinnissaqarfiup akiliisinnaanera periarfissinneqarpoq, tamanna napparsimasup peqqissutsikkut inisisimanera pissutigalugu pisariaqartutut isigineqarpat. Napparsimasup perulunnera eqqarsaatigalugu peqqinnissaqarfimmi sulisut

<sup>22</sup>[Napparsimasut najugaqarfimmi avataani misissorneqarnerani katsorsarneranilu kiffartuussinerit pillugit Namminersornerullutik Oqartussat nalunaarutaat nr. 2, 24. januar 2005-imeersog.](#)

tunngavilersuineratigut ingiaqateqarsinnaanissaq Peqqinnissaqarfimmiit akilerneqartassasoq piumasarineqarpat massakkut ingiaqateqartitsisarnermut pisariaqartinneqartut malittarisassanit matussuserneqartartut Peqqissutsimut Naalakkersuisoqarfimmit nalilerneqarpoq.

Peqqinnissaqarfimmi sulisut tunngavilersuineranit qanigisaasunit inersimasunit angajoqqaat tamarmik peqataanissaanut aalajangiisoqarneq ajorpoq.

Taamaaliornissarmi isumaginninnermut inunnnullu atukkanut tunngaveqarluni nalilerneqartassaaq. Naak alliliineq peqqissutsikkut suliatigut tunngavissinneqanngikkaluartoq ilaqtariinnut meeqqamik passunneqartariaqartumik qitornaqartunut iluaqutaasinnaavoq. Aallarnermi peqqissarnermiluunniit meeqqamut isumassuinissamut angajoqqaat tapersersoqatigiinnissaanik oqilisaqatigiinnissaanillu siunertaqartumik aaqqiisoqarsinnaavoq.

Tassunga atatillugu qanigisaasut ilaannikkooriarluni isumaginninnikkut malittarisassat assigiinngitsut imaluunniit isumaqatigiissutit, soorlu SIK-mi isumaginninnermut aningaasaateqarfiit, malillugit ilaqtuttat napparsimasut ingiaqatiginissaannut tapiissutinik tunineqarnissamut perarfissaqarnerat nassuaammi takutinneqarpoq, matumani aningaasartuutit Peqqinnissaqarfimmiit akilerneqarsimatinngagit. Nalunaarummik nutaamik atuutilersitsinermi, ilaatigut aalajangerfigisassatut § 9 allanngortinnissaanut siunnersuummi takuuk, ingiaqateqarnissamut piginnaatinneqarsinnaanermut Peqqinnissaqarfik aningaasaliisussangortinneqarpoq, uffa tamakku isumaginninnikkut inatsit aqqutigalugit imaluunniit allatigut isumaqatigiissuteqarnikkut ikorsiissuteqareersut.

Taamaattumik Peqqissutsimut Naalakkersuisoqarfik aallaaviatigut isumaqarpoq aningaasaqarnikkut allaffissornikkullu sunniutaasussat Peqqinnissaqarfiup susassaqarfiginngikkai. Aalajangerneqarpat, Peqqinnissaqarfiup akisussaaffigilissagaan aningaasartuutigissagaalu taava ukiumut 11,25 mio. kr.-nik aningaasartuuteqarnerulernermik kinguneqassaaq, tamatumani ingiaqateqarnermut, allaffissornerulernermut, ilitsersuinermut oqalutseqarnermullu aningaasartuutit ilaasallutik. Aningaasartuutaanerulersut nammineq killiliussat iluanni aningaasalersorneqassappata tamanna Peqqinnissaqarfimmi suliassat ilaannut sunniuteqartussaassaaq, taakkulu aningaasanik napparsimasunut suliassanut pingarnernut atorneqartussanut assinganik annikillisariaqassapput.

Soorlu nassuaammi atuarneqarsinnaasoq nunatsinni napparsimasut angerlarsimaffiini aamma Kalaallit Peqqissartut Angerlarsimaffianni inissat unammillernartoqarput, taamaammallu ingiaqataasussanut allanut ineqartitsinissamut Peqqinnissaqarfiup perarfissai atussallugit piviusorsioruntuungitsutut nalilerneqarlutik, naak aaqqissuussineq nutaaq allat aqqutigalugit tamakkiisumik ilaannakortumilluunniit

aninggaasalorsorneqaraluartoq. Angajoqqaat ingiaqataasarnerannut aaqqissuussinerup annertusinissaa napparsimasut allat utaqqisarnerannut annertuninngortitseriaannaavoq, tassami aaqqissuussineq Nuummi nunallu immikkoortuini illoqarfinni allani immikkut sinifinnik peqarnissamik pisariaqartitsissamat, tassanilu inissat killeqarput. Tamanna ilutigalugu Peqqinnissaqarfimmi siunissaq eqqarsaatigalugu napparsimasut akunnittarfiini aamma Kalaallit Peqqissartut Illuanni inissat amerlinissaannik pilersaaruteqarnerani meeqqanut 15-it inorlugit ukiulinnut ingiaqataasussat amerlasinnaanerat eqqarsaatigineqarsimanngilaq.

Inatsisartut aalajangiinerannut 1-imut siunnersummi innuttaasunut aningaasaqarnikkut allaffissornikkullu naatsorsuutigisatut sunniutaasussat takuneqarsinnaapput. Tassani allassimavoq: "tamanna ilaqtariinnut suunnginnerusumik sunniuteqartussaavoq, tassami ilaquaasut sularitinnerup nalaani isertitaqartussaanngimmata".<sup>23</sup> Ilaqtariit piffissami sivikinnerusumi sivisunerusumiluunniit aningaasaqarnikkut qularnaariffigineqarsimanngippata tamanna unammillernartorujussuussasoq Peqqissutsimut Naalakkersuisoqarfik isumaqarpoq. Matumani ilaqtariinnut piffissami aalajangersimasumi isertitaqarsinnaannginnerannik kinguneqarsinnaappat, ilaatigut ilaqtariinni inummik ataasiinnarmik meeqqamut ingiaqataasoqariataarsinnaavoq. Taamaasillunilu aaqqissuussineq nutaaq, taanna aalajangiiffigisassatut siunnersummik (UPA2022/28) tunngaveqarsimappat, ilaqtariinnut nukissaqarnerpaanuinnaq iluaqutaariaannaavoq. Tamanna angajoqqaat ingiaqataasarnerannut aaqqissuussinerup annertusarnerani siunertaanngitsutut nalilerneqarpoq. Taamaattumik ataatsimut isiginnittumik aaqqiissutissarsiortoqarnissaa pingaaruteqartoq, tassuuna ilaqtariit meeqqaminnik napparsimasoornerminni inooriaasiatigut aningaasaqarneratigullu ataqtigiissaarisoqarnissaa qulakkeerneqassamat.

---

<sup>23</sup> UPA2022/28-mut tunngatillugu Inatsisartut aalajangiiffigisassaattut siunnersuut, Inuit Ataqatigiit.